



篁墩程先生文集卷之七十五

詩

故刑部尚書萬安劉公夫人哀輓

同年憲副
之母

尚書勲德重當時
伉儷分明得女師
淑行定歸劉向傳
令人三誦鵲巢詩

荆布家風玉雪容
詩書猶說舊儒宗
相夫誰合隆恩澤
四度鸞書出九重

清寧宮裏早朝回
四翟冠高比上台
識遍朱門金字榜
衆中誇道不凡才

教子丁寧讀父書
策名黃甲佩金魚
故園花竹春如海
贏得諸孫候板輿

閱世相將九十齡
白頭如雪兩瞳青
綠何便作遊仙夢
拭淚空瞻婺女星

落日秋山起白雲森。松檜擁高墳。賢名百世應難滅。中有天家
諭祭文

定海李揮使東溟一覽卷

李侯落千人雄指揮戰艦橫。雕弓倭奴斂跡向沙島。不敢出沒鯨濤
中新樓。枝地幾百尺倚徙。下見馮夷宮。掀髯長嘯動林木。勝覽直盡東
溟東。晴光蕩滸開鴻濛。旭日正上扶桑紅。亭臺隱顯層氣滅。斥埃遠近
蠻烟空。青山遙斷海口橫。天獨鷄乘秋風時。呼一斗霹靂射澆此百
歲塵埃。曾流年任爾添白髮。飛思直欲凌蒼穹。邇聞謝兵學。辟殺匣中
劍氣韜。長虹蓬萊三山渺。何許異日倘見安期公。披圖擊節壯吾子。高
歌遠寄南歸鴻。

有感次高夏官克明韻二首

年來閒却舊巖扃。僮僕應嫌鵲未靈。三頃墨莊心已足。幾人塵海夢初
醒。愁侵病骨鬢先白。春入天涯草更青。感子投瓊意。何暇愧無佳什付。

奚丁

山前山色遶籬斜。慣看收租與焙茶。寸策併無空許國。一年將盡倍思
家。鷓鴣夷舊跡餘三泖。太白新題重九華。自分散樗成底事。春風無限上
林花。

喜雨與汪伯諧劉希賢吳原博同寅聯句

九重一念格穹蒼。注。鷲地陰雲起。允方簷溜。即看渾似注。劉市塵那得
更如狂。遙知隴麥回新綠。程。細覺官槐綴嫩黃。明日趨朝同拜賀。吳
頌聲應喜動巖廊。注。

破柱雷聲送雨來。劉。眼前生意遍枯荑。禱祠漢室慙方士。程。調燮商家
待相才。此日亭成誰志喜。吳。早時詩就不勞催。逼人清氣知何許。汪。頻
覺煩襟滿坐開。劉。

天際陰雲散復聯。程。併將風雨作豐年。朔風羣燕衣猶濕。吳。澗水新荷
葉正圓。草野久憐農望切。汪。桑林初識聖心虔。莫教夕蠓輕相妬。程。擬

挽天瓢一需然劉

蒲院涼風透葛衣吳雨餘輕扇不須揮齋居靜覺心無累汪吟榻清期
願不違危鼎日長烟篆裊劉銅壺天遠漏聲稀菜羹菘葍同三宿程詩
陣堂未解圍吳

沁園春壽少詹學士鏡川楊公

天啓家違連開壽域總值芳辰喜位進
儲端新懸印綬恩加閩正久奉絲綸霜拂華顛霞明丹旆甲子而今
才一巡鳴珂巷見長庚徹夜瑞靄凌晨膝前雙玉也何用斑衣能悅
親看才壓秋曹方恢宦轍名需春榜更冠儒紳曲度南詞酒傳內醞珠
履紛來衆賓借老處問幾番蒲柳得似松筠

盆梅為南園蔣大監賦

雪天誰解返冰魂春意挽先入禁門借雷漸看舒五出胚胎疑為染孤
根塵空冀北烟花夢思繞江南水竹村珍重感開應有日洗妝先試綠

醅尊

梅花引

歲云暮矣萬木僵山雪未霽江雲黃竹間彷彿有佳處野橋陣吹寒
香冰為仙肌缺作腸平生不入桃李場老天有心慰清絕先遣春意回
孤芳寫生近世惟王郎一幅輕縑推素光宛然再見姑射子瘦影下照
清冷塘羅浮夢破月轉廊羌笛聲隨風度牆喜從舊譜得三昧不說新
妝傳壽陽臨池想像白玉堂垂鼎實乘春忙巡簷欲誦廣平賦花神
一笑天蒼涼

分得閤皂山送伍希淵太守考績還廣川

青山突起滄江垠寶氣夜發騰秋旻鍊師叱劍啓洞穴刻玉儼坐真天
人山靈幾時闕琬琰道院一日開荆榛寰中福地七十二名數閤皂非
常倫使君五馬數過此與山識面驚鄉隣奏功近自廣州入歸路復擬
停朱輪鳥啼花舞滿洞谷知有恩露來楓宸浮嵐暖翠香難極亮爾

昔年川效珍奚囊欲闕兩奇絕
畫不盡千嶠响明當有詔起循吏
酌山細倒羅浮春

三月十七日原博諭德饒汝王給事于玉延亭會者賓之學士
干喬諭德濟之世賢侍講曰川校書道身編修暨予得聯句四
童時黃薔薇盛開復移尊于海月菴酌花酌別又得三童子亦
將有餞約而觴汝王者多刻日有次第不能奪也手錄此以致
縵縵不已之意

酒半離筵客未來東陽諸公興淺欲停盃亭前花影看移日鑿池上

波光愛潑醅延竚不堪南省迥于禮曹故云淹留豈待北門催瀟

蹇予恐未當君意敏政習氏池邊未肯迴東陽

皇華南去正春風遷水長灣頭畫鷁通萬里瀟湘如在眼鑿九重霄

漢未忘思淮陽夜泊應懷古吳越秋成久願豐敏政歸疏邊儲報

明主瀚太倉無地不陳紅東陽

命下龍樓重歲儲震城東春色擁離車敏政過家路便心先到瀚報

國身勞我不如東陽獻納暫違青瑣直遷諮詢爭覩紫泥書寬送君正

是花時節釐飲盡瓶壘興有餘敏

江南春色動歸人東陽畫舫紅旗早問津敏政湖口過家魚正美寬城

邊逐客酒初醇催詩數點朝來雨蒼撲馬無端陌上塵瀚莫忘玉延

亭下宴敏政相看不是白頭新寬

刺蘆花下送離觴敏政別思詩情共渺茫瀚折贈不須河上柳東陽醉

眠真愛井邊床離根濕聞流水屋角亭見夕陽寬繞樹未堪

分去住敏政還看海月照東堂瀚

移席東園就看花花前起坐即喧譁寬却因送別成嘉集不用尋

芳感物華敏政漸有綠陰看擊馬東陽豈無銀漢待乘槎瀚共君秉燭

須今夕最喜西隣酒易賒寬

一種籬邊未滿叢瓣香含雨葉含風東陽遊絲惹地牽黃蝶還細雨

臨階綴玉蟲，齋浦院旃檀。春欲暮，傑印池羅縠。夜將空，敏政行人幸與。
凭闌會，瑤篔有光華，付與公鑿。

畫竹

墨本驚傳抱節君，佩聲搖動水蒼文。龍孫解爭穿土鳳尾，脩半入
雲滿地雪霜甘耐晚。一春紅綠恥隨羣，摩挲欲掃琅玕淨。恐有詩題隔
坐分。

送丁玉夫舍人謫普安州判

先是王尚於此給

池上人如許，憐君萬里行。蠻方風土異，客路早塵生。一飯皆
君賜，孤吟足宦情。到詢前給事，應續舊題名。

分題得芭蕉分綠

倚石亭，翠幾攢清標。不似雪中看，夢回獵圃思。藏鹿影拂書窗，愛舞
鸞聚扇。一揮風力迫，捲盃三酌露華殘。誰便淨綠無塵染，細寫新詩墨
未乾。

吳人張祚母王節婦

三十年來婦節完，玉壺清冷逼人寒。松筠自保知心久，桃李空驚入社
難。化及鄉閭堪樹表，教成兒子解承歡。憑誰更續陶鵠操，為譜琴聲膝
下彈。

題畫菜

曾移蔬甲課園丁，愛嚼霜根養性靈。獨有畫工知此意，能將風味入丹
青。

夏日獨卧西齋，陶懋學貢士與克儉弟隔坐，寫畫笑語而窓外
槐陰與盆石掩映，宛如往歲回舟北上時事，因成一詩。

卧我西齋坐，兩君不知談笑久。離羣牆槐影似中流，見盆石青疑隔岸。
分屈指三年如昨日，開顏一酌又斜曛。相煩畫舫題新額，滿壁揮毫動
水雲。

廣平王同守原常治水底績卷

一宵水決漳河衝鯨波突下驅雷風劃然蝕出賈村口
聯堤屬堰如飛蓬城門晝閉人反走四顧已作馮夷宮
貳車王公智且勇拯溺坐遣舟車通行人拔濟免魚腹
公倉保護留陳紅祗餘決口水如故屢塞屢壞愁民窮
民言必得貳車往上官委牒來匆王公一念通瀨穹
單騎直抵漳河東左畚右鍤萬衆集指呼中坐如元戎
先疏下土殺水勢巨擘却搗奔流中土黏石砌完且固
十里隱拖晴虹幾年泛濫一朝去入眼似覺滄溟空
施工次第在方寸旁觀束手直莫家挽牛未數百步
洪射蛟不用千鈞弓跨岸長橋復懸巨繞坻嘉木遠青
松膏腴可佃六千頃官租遮莫憂難克馬前加額來田
翁道上拍手歌村童神龍廟下磨巨石太史執筆書成
功埭稱召伯可專美堤號蘇公誰長堆我家中寓瀛海
郡北方水患恒冲考圖按譜多舊跡坐視孰肯勞其躬
假令稍費疏築工斬地即挽凶為豐臨風撫卷三歎息
惠政安得千王公

七月六日飲北城友人園亭

北郭分明遠市譁小亭幽絕似山家閒繙畫用評三昧
醉樵盆峯憶九華秋後可容來撲棗暑中先許坐呼茶
重遊自擬非生客深巷沿苔一徑斜

題春山樓觀圖

一帶好山橫樹杪幾重高閣起雲中何當避暑鉤簾坐
納取虛窓八面風

題畫菜

籬下分披紺葉長枝間涼綴紫團香已應風味堪登譜
更着丹青與擅場

丙午六月同黃大器避暑朝天宮李鍊師之來鶴軒

雨餘涼思一襟回琳館苔花滿石臺雙鶴溯風留語去
獨槐當戶送陰來丹爐幾向清宵伏芸檢時從白日開
避暑又看今歲始不辭水果薦

春盃

愛山亭為趙夢麟主事賦

北固山前水一灣，小亭遙對數峯閒。
要貪紫翠來窓几，日呼童莫掩關。
海岳蒼頭石路通，結茅人似米南宮。
醉來徙倚窮雙目，誤指青山作畫中。

次韻賀李學士賓之誕子

吉夢逢占一月餘，果然蘭茁見階除。
門閭不是尋常喜，湯餅連傳伯仲書。
骨法生來應克肖，啼聲聞處定何如。
眼中足慰而翁意，他日將同頽上車。

送婺源宗人璿南歸

相逢未久促歸裝，草草停車餞一觴。
冰釋御溝波盡綠，日烘官榭柳初黃。
皇州近去逐東風，客路長莫負壯年須。
力學舊家原住。

晦翁鄉

錢君宗甫以素扇索詩寄施君彥清

詩社南尋舊日盟，尚方終記國醫名。
惠山泉水清如許，一為高人點濯纓。

趙夢麟員外瓊林醉歸圖

甲榜傳高第，春風入壯顏。
瓊林露醉出，紫陌看花還。
巾服存唐製，官儀邁漢班。
莫將經濟策，相愧畫圖間。

題蒙泉岳先生葡萄

劉郎未撤輪臺戍，使者年向西去死國傳。
將馬乳來漢宮始識葡萄，樹茂陵石馬秋風寒。
玄香冷落黃金盤，後來尚食不到此。
當時價抵千琅玕，鎮夷城頭初罷鼓。
謫仙揮毫氣如虎，一番風味眼底生。
萬斛驪珠手中吐，鐵面長髯誰比倫。
慷慨便作涼州春，兔起鶻落總天趣。
日觀之徒空逼真，願子珍藏無草。謫仙已逐秋花老，臨池不覺三歎嗟。
前輩

風流到今少

侍御臨淮李君士常以蒙泉岳先生在謫時所寫葡萄見示請賦一詩予舊嘗為毘陵下讓所得者題長篇矣然在十年之前語凡氣弱不足齒先生妙墨之左更欲賦之而詞氣視十年前益衰卒未能也書以塞士常之命云耳

送黃進士金還定遠

終從邊塞犒軍來又向高堂戲綵回河上薰風吹去權城隅初日引離盃山間舊屬興王地科甲新傳出衆才可得孤雲戀桑梓即看雙佩上蓬萊

送屠元勳郎中赴南京大理丞梗道性秀

冰花消盡柳條新好友相看別意真分署才名歸漢吏擅場詩律似唐人鍾山到日遙瞻斗秀水經時賸得春聞說雙旌催曉發城東還擬逐車塵

送安成歐陽子履進士奉命犒師廣中便道歸省君進士相

休寧聞近以考滿將入覲故未向云然

驛舟南下柳初黃春凍全消水力長奉使一番聊過嶺寧親千里得還鄉行裝價重題名記賀客歡生具慶堂却倚東風聽候鴈定多詩夢到池塘

次同年張汝弼韻贈錦衣林公

將軍先世本材雄常在

先皇宿衛中要識兒孫能繼武門前喬木是遺風

和韻蕭文明給事留別時成化四巳正

一日春風滿

帝京獨憐回首送君行恩綸已覺蘇凋瘵謫籍終應雪姓名都下舊桃留賞約道傍新柳識離情瘴鄉山水原多幸羸得珠璣昭眼明

萬福寺送文明與倪舜咨李賓之二學士傳曰川吳原博謝子

喬三諭德林亨大修撰陳汝王給事李士常侍御聯句

送客東城擁霧來敏政對爐先遣一尊開岳盤因待別留蕪味傳瀚詩
為陶情且共裁林瀚庭竹未青寒尚在東陽江波初綠煖將回寬臨岐
聊為歌三疊遷門外驪駒莫漫催璠

愛客幽僧開竹房岳春來偏稱舉離觴傳瀚東風立馬情如海林瀚南
雪欺人鬢欲霜東陽關樹蕭疎家在望寬江梅零落路生香遷後期莫
忘論交地敏政隨處江湖與廟廊經

次韻魏端壁鴻臚述懷之作

紅塵滾：翳雙瞳一室蕭然借遠公守道懶隨人俯仰肅容常立陞西
東平生志肯隳家學薄宦情思翊

聖躬聞說感時新扣 闢萬言長疏已留中

題南京邵思誼漏月軒有莊孔陽同年記

定山居士久離群一紙新傳漏月文文古字奇誰似者近來應學武夷

君

小軒生業未全貧為厭笙歌暖送春上雨旁風元不計只教明月不窺
人

送王汝璧同知自河南督運大同

壯哉騎馬出居庸轉餉歸來倏過冬虜境尚聞傳夜柝漢屯誰復事春
農髮隨驛路年華改酒入旗亭別意濃菜色更深伊洛地使君何以慰
喁

送寧縣張泰省母南歸

久侍嚴君官冀北又寧慈母返江南舅家派遠新通譜宦邸情深屢接
談行處片帆衝暑雨到時雙屐破晴嵐承恩堂上春如海預喜稱觴客
盡酣

泰侍父官京師將歸省其母程孺人因其內兄壽求予詩壽之先蓋
自新安徙寧之遠溪巖有先朝舊譜真子忠壯公所同出者也其母

嘗受 恩封故詩及之

六年考滿日偶成

厠跡 宮僚十載餘無功堪上考功書冷官卒免三宜黜醜女真成石
不如髮白漸驚聞道晚才非原合致身踈經幃不厭儒生說敢惜朝
理蠹魚

寶澤堂為吳人陳翥賦寶其父所書小學也

有美太丘翁家聲重吳城授子以詩禮不貴金蒲簾籠中小學書手筆
嚴且精翁去後幾年諸郎亦多成進思過庭訓展玩驚如生什襲古縹
囊共守百世程恭惟考亭老有期在躬行我願君子心顧此寶澤名芸
香拂舊籤白石回光榮勛哉景賢範庶以歸鄉評

書仁里族姪佐時家慶卷後八絕

弓冶相承每自憐喜聞能受一經傳春風綠鬢芸香重何止青雲屬少
年右付簡年十歲能舉業

古來耕讀兩相循立志誰堪慕有莘周處與春雨後綠陰長作帶經

人四歲耕讀

儒碩堂深世祿長雲烟飛處墨花香對人好寫顏公帖珍重吾家白面

郎年十一歲

夢中疑有筆生花不比書寫學畫鴉努力顧名思揮第讀書休負好年

華年十歲

書齋晴日乍揮毫天與佳兒一字褒吉兆已開休忘取家風須並士風

高書時先草一年六歲學

紅隱危樓御墨鮮家鷄何止得家傳文章不愧昌黎伯好讀城南訓子

篇銘六歲

早從懷抱識之無太傅功成雪滿顛玉汝異時探學海碧霄紅日看鸚

雛右付範二年二歲

風塵楚脫塵凡更向群中數阿咸坐想後來應跨竈笑人終歲着青

衫石多舳舻年七歲自序以

子宗姪鄉進士佐時自新安上禮部出此卷乃子別後其家有八子
昆仲叔姪皆聰穎異常如此殆先世所蓄之厚而致然耶今佐時受
命出宰新昌因賦八絕寄示少寓勉進之詞亦自慶云爾觀者勿謂
其有譽兒之癖可也

送鄭太史廷綱赴浙江提學憲副

長身玉立舊詞臣喜服牙緋拜 命新一舸溯風驚遠別諸生懸日候
分巡譜通夾漈歸閩產學數康成重漢人知子政閒應念關吳山高處
見 楓宸

送小彭閣老養疾還安成

幾年黃閣贊宸旒早乞身閒未白頭多病漸馳林壑夢寸心終切
廟堂憂新分雨露隨雙履舊積圖書載一舟勿藥有期應更健九重
虛席待前籌

送教太史靜之赴江西提學憲副

鄉榜曾傳第一人詞林相見十經春史堪朱黑掄才久服稱金緋荷
寵新官向洪都分憲節化從殷序播 恩綸巡行不用申條約白鹿遺
規有翠珉

送蔡德馨從父宦遊三衢

中郎年少美丰標千里薰風拂畫橈此去壯懷增幾許推蓬初看浙江
潮

綵侍寧憂客路難直從魚浦過嚴灘吳山越水經遊處得似當時畫裏
看

送盱江宗人正式南還銜式雪樓先世孫

梅雨多時水正肥河梁遙逐一帆歸阮南有譜通雁父郢曲無才和轉
稀明月屢回棹梓夢紅塵不上芟荷衣舊家人物如君少無限離情對
落暉

篁墩程先生文集卷之七十五

篁墩程先生文集卷之七十六

詩

與李世賢學士邵文敬太守同飲復春楊氏玉河寓館聯句

盆池香散一株紅程
盃酒臨軒醉晚風李
病起故人剛下馬邵
別來豪論欲吞虹程
夜深明月當窓白李
天闊流雲墮地空邵
擬剪碧筍尋後約程
吟壇高起玉河東李

醉來高卧碧紗幙李
何似臨池靜看魚程
晒藥有香隨履齒程
落花無意點衣裾邵
十年故舊憐青眼李
千里江湖託素書邵
無限交情重對酒程
夜闌張燭夢何如李

送吳學士汝賢蒞事南京

吳兢良史最知聞
南去詞林職暫分
白下山川堪寄傲
青坊冠冕惜離群
才高未許終淹驥
官冷何妨且售文
曾向玉亭看舊刻
恨無清福可陪君

送會士美侍讀蒞任南京

春風吹水一帆輕喜拜新
恩向舊京對策本無阿世語
上書終有愛君情
北辰繞夢瞻天闕
東壁流沈動石城
分署近來人物盛
閑居贏得頌時平

送楊維立侍讀蒞任南京

特奉新恩舊所無
奎星光采映南圖
暫分曉日鷓行侶
未覺春風鴈影孤
江左詩盟添社友
關西經學盛門徒
不須對酒增離思
天遣才名重兩都

送庶吉士吳儼養疾南還

一舟遙出潞河潯
賜告南還喜不禁
吟望銅官秋屐遠
夢回天祿夜燈深
青年題賦思歸引
白日長縈戀闕心
屈指重來身更健
春風雙佩入詞林

蟠桃圖壽星者王璧母句容陳孺入八十

海上仙桃熟幾番
寫生光映北堂萱
九重好見旌孺節
八袞今看啓壽元
慶衍太丘知闕闕
秀鍾勾曲是鄉園
賢郎最解君平術
甲子無煩絳老言

送姑蘇仰彥政同知濱州

離歌一曲帝城南
喜佐名州促去驂
禾黍送香秋正熟
衣冠爲別酒初酣
人材久說虞庠盛
德化寧當漢史慚
闕下有期重到日
問閭甘苦聽君談

壽亞參吳文盛母夫人許氏七十

七十精神不用扶
慶辰須見雪盈顛
壽萱吐秀侵香鴨
慈竹連陰護酒鳧
恩湛北堂重賜誥
瑞徵南極更張圖
分藩有客歸寧便
無限情中反哺烏

贈別徐廷盛親契南行

殘暑西風促去裝
潞河南下聽鳴榔
小槽酒罄鄉情在
半榻塵生別意

長脈理近誰謂太素名途還子逐飛黃題詩為訂重來約多病相煩寫
異方

稅工部顏員外遷父母

綸書初贈水曹郎旌典仍題貞節坊家聲何止萬金直吉壤俄看雙王
戚遠望吳山為誰好忽聞楚些令人傷史臣有刻詔千載壽筭益湏論
短長

尚書謝大韶先生哀輓

文章座主大司空曉夢驚隨逝水東汗竹香生良史墨宮花塵拂狀元
紅英魂彷彿陪仙馭郵典分明感 聖衷丹桃素輦攀送地不勝清淚
落西風

送侍御朱朝用副憲山東

聖主龍飛景運開多冠人數出群才方期抗疏當前席分報承 恩佐
外臺曉路星辰瞻北拱春城車馬候東來洗冤澤物君能事聽取歡聲

遍草萊

飲會昌侯公子錦衣池亭

白苧風生暑未收夕陽容我復遲留危亭翠匝諸峯晚小洞陰涵六月
秋醉裏尚能窺畫品興來何必置詩郵摩挲欲剖琅玕節留取題名續
勝遊

雨中飲孫雪亭家看竹留題與雪亭子願

紫翠中盤一迳苔竹庭深處絕纖埃穿林騰見新篁出破暑俄驚舊雨
來秋霖不辭分甕吸春風何必選花栽主人愛客能傳子白社還應幾
度開

送徐用和御史調平涼鎮原縣令

東風作輕陰寒雨半成雪端居耿不怡况子有遠別于本江漢矣所學
重名節平生愛 君心詎忍結吾舌一疏天 九重冗食愧饔餐
皇恩真浩蕩暫遣謝 朝列迢 西入關山水幾盤折從來行路難士

豈動憂悅相送城東門車聲曉幽咽勸子酒一卮世故若騷屑曷敢美
險地仗此一寸鉄不久應賜環離歌勿終闕

憶家山有作寄逸民用光道新

古城岩下半莊山恰對澄江水一灣列岫拖嵐圍竹塢小塘分綠浸柴
關醉招猿鶴驚相下清愛漁樵去復還此景近來類人夢病身何日可
投閑

隔林沙逕到岩扁繞舍奇峯疊翠屏野話有時逢衲子溪行隨處課租
丁看雲淨掃松間石避暑閑登竹下亭一自別來空悵望移文直愧北
山靈

分題獲壽周原已院判乃尊

老人不踏紅塵路踪跡常使水竹居躡履登山如壯日杖藜隨步勝安
車庭中任解王生襪橋下誰傳孺子書但祝僊喬同壽考雙鳧他日得
凌虛

送伯都憲大器巡撫畿北

憲節煌煌出帝州一時風采屬君侯姓名已副蒼生望籌策應分
聖主憂六郡鋤犁思樂歲三關兵甲待防秋行臺咫尺紅雲近先聽封
章達 冕旒

送翰林檢討方昌言考績還南京

風流文采舊詞臣闕下重逢喜暫親別意兩分鰲禁月窟情三及鳳
臺春山行水宿仍歸路飲社詩壇足慰人何日南中容半席玉亭深處
看霜筠

丁祭日簡費司業廷言

陪祀年候孔庭每從司業借莎廳衣冠假寐環東壁鐘漏傳籤報上
丁禮罷珮聲風隱約歸時燈火夜晶熒病軀無分隨班列展轉齋居震
未寧

陳通政夫人哀輓

郎中洵之弟

曉日高堂罷起居，髮絲蕭索晚霜餘。迴鸞色慘皇封誥，辟蠹香銷女
戒書。潮落錢塘悲逝水，山圍龍井見幽墟。賢郎帶血扶歸櫬，不忍重看
舊板輿。

西寧侯着色牡丹為英國公題

侯門三月花如錦，分得春光與上公。何用洛陽求異譜，彩毫隨處落香
風。

鏡中誰點舊姚黃，金縷衣輕翠袖長。倦倚東風嬌白日，王孫亭榭見花
王。

送徵書紀南遊

爐薰經卷束裝行，秋入船窗水氣清。禪室未忘星北拱，鄉心遙逐鴈南
征。三吳錦樹長洲苑，六代青山建業城。來往詩筒應不絕，聽人傳取惠
休名。

送定西侯總戎北征

手披金印下龍荒，九月邊城草木黃。隨處建牙分戰士，刻期輿櫬得戎
王。風吹漢月笳聲遠，霜拂胡雲劔氣長。擬聽玉關馳露布，秦階那復候
天狼。

寄子文遠戶侯

橫經日綴鸚鵡班，致主無才獨厚顏。追憶舊遊春醉處，夢魂常遊歙州山。

題畫二首

白葦枯荷兩岸霜，水禽相戀水雲鄉。人間手足情何似，落日秋原引鴨
長。鵝。荷。

竹間無數玉森森，漸覺春隨雪意深。山下地偏人跡少，野禽能識歲寒
心。石。海。花。

為周都尉題沈石田畫

不見姑蘇老沈郎，被圖疑在石田莊。眼看出雪乳春醒，解手拂雲飛午坐。

京高柳似填山下缺奇峯如出鏡中妝草庭都尉能珍鑿何日重開寶繪堂

送戶部葉叔通郎中知寧國府

民部清風十載餘金緋一日荷 恩除秧田麥隴宣州道多少人迎五馬車

桑梓悠。共歎城官遊京國倍多情紅塵離合常無定從此相看聽鴈聲

昔年曾過敬亭山花霧濛。濕翠鬢別後山容應不改馮君傳語慰羸顏

宛陵祠下竹娟。一榻曾分聽夜泉携酒寓公誰復在六回春色到吟邊

故鄉喬木隔山青山郡人應候福星民俗士風語已熟不須隨路借圖經

村。鷄犬日相親宣歙山川本近隣他日政成仍作頌不慚曾是受田人

葉君叔通與予同出徽之休寧中世轉從叔通舉進士歷戶部郎官君京師敘鄉曲之好甚稔茲受命出守宣州將遠別矣憶予戊戌

歲奉詔歸省道出宣城嘗宿宛陵書院悉其山川民物之勝而宣徽又隣境也因為絕句六章附行卷中矧寒門有別業在宣之太平

則予雖微產亦宣戶也叔通惠澤且將及予。烏得不為之私喜哉送長洲孫進士林赴南京刑部主事

東風吹塵撲征車欲行未行立踟躕行裝蕭。一何有上載經史下刑書予向金陵意甚適咫尺吳門是鄉邑登舟坐想春渡江錢者如雲曉

亭集亭前新柳颺金絲手折聽人歌柳枝鱗魚竹筍滿南國正是官曹開讌時

慰予世賢學士喪子

雙鳳聯胎本夙緣小郎頭角更堪憐那知一片青雲器只向人間住七

年聰明何止識之無禮貌分明似壯夫惜此鍾情何日了朱門愁絕舊懸

孤每回騎馬到君家延坐中堂解供茶白日重來空淚落窻間惟有字如

鴉春入高堂夜啓筵愛渠長立彩燈前丁寧勸酒呼程叔此語何時去耳

邊全盟安有術貴徐忍遺庸師斷送渠同榜弟兄雖異姓爲君思藥誦鑿

書暫寄藤棺古佛堂神仙空說返魂香月河橋下東流水那及人家此恨

長瓜祝詩成歲幾更人間悲喜漫多情他時逐吊還成賀添取新篇續舊

盟氣數從來有短長達人那復計彭殤知君年力猶精健他日知非實十

李士常侍御瓜祝卷次韻

弄璋那惜酒頻賒奇識新徵李氏瓜香實下臨苔逕密瘦藤紛繞竹棚

斜歌聲久入風人譜慶澤先歸友婿家聞道諸郎能典謁款門他日待

供茶夢熊今已十年賒入手真憐二月瓜根勝預期穿土早子多從遣壓羅

斜朱禽青李思臨帖白雪陽春愧作家他日餉人分數蒂一封兼侑款

州茶西涯翰學瓜祝詩盛行縉紳間有和即驗其友婿力齋侍御乃首驗

者斯亦奇矣予自生璫子今十年未有弟之者然不預倡祝之例新

春將手種瓜厭飲之覲以自效瓜如有靈又當分惠有子而久不繼

者或可附西涯故事並行於世云

送鄉人方亮南歸

佳水佳山說古岩每回三首望雲杉松花有約分春甕貝葉無從啓夜
函南國風光勞客夢東華塵土弊朝衫因君想像還家樂浦口灘聲早
下帆

題定西侯畫菜次俞振恭侍郎韻

畫史當年亦奮庸園情猶共墨花濃土酥辣玉真堪羨菜色何人動兩
峯

南窗遺教為劉道亨編修賦

南窗人去幾朝昏遺墨能看一卷存素楮裝潢皆手澤縑囊舒卷半
啼痕後生繼述心良苦先達流傳道可尊風散芸香肅刺酸春回蘭
玉長芳根泉家卷卷處占周篆庭訓聞詩企魯論策似董生還及第經
傳劉向本專門玉堂繩武推嚴侍紫誥題封尚帶恩棄簡三年嗤

伯魯書紳終日慕顧孫留余轉見名家感慈教堪令薄俗敦祀典何

當分里社書聲猶記出沙村擬與一勾西江水遙酌青山處士魂

題周草庭駙馬二小景畫

幽人最得幽居樂山上危亭溪山閣時容野客到柴關不放紅塵過林
薄新秋衆木青且黃烟中遠浦聞鳴榔漁樵倘許結新社便欲垂涎雲
水鄉午枕悠：夢初起忽見丹青如夢裏披圖說夢兩茫然蕉鹿分明
浪鷺喜草庭都尉冰雪顏曾中立壑非等閑何時對景論新茗細話江
南溪與山

初春嘗畫夢與人遊山甚樂既寤草庭都尉以便面小景索題恍然
不知夢之為畫之為夢也心甚異之為賦此詩但目中佳處口不
能盡發之耳

一夜山中三尺雪銀海周迴爛銀闕呼童掃逕啓柴扉竹外梅花正清
絕主人高眠塵慮空有客扶杖來溪東千崖萬壑暗香度乘興不減孤

山翁旱風吹塵不成雨對畫欣然一揮塵四圍寒氣散凌人如坐冰壺
失炎暑去酷來清君子心平生不受炎涼侵梅花三弄白雪調惟有周
郎知此心

久曠歲暑渴心生塵忽展此圖懸之素壁洒然如在溪橋風雪中毛
骨凜凜不知寒從何來暑從何往也因下一轉語以復草庭：當
擊節以爲果哉否乎

飲王世賞侍講園亭限韻一首

向晚移尊傍石屏客身脩竹兩亭：詩慳併上配顏亦齒壯難留短髮
青豪論未須揮玉塵渴心常欲繫銅餅感時更憫東郊雨日送晴雲入
杳冥

過豐潤伯曹公留飲

何處西城遠市譁南薰亭榭五侯家主人賄令頻輸酒侍史敲冰旋滌
茶清暑最憐風外竹憇人猶得雨前花蹇予舊契非生客一任山頭白

日斜

楊應寧舍人相邀避暑韓太僕園與倪舜咨學士聯句

赤日黃塵奈暑何郊園惟此綠陰多程四窻蕭洒餘堯季一逕紫紵繞
薜蘿倪地主盤飧饒楚味野人絲竹尚燕歌程斜陽欲忘歸途遠十里
新堤帶玉河倪

題王司言儀賓文會軒

門前車馬漲塵黃靜裡開軒得趣長當院日翻槐蔭密繞畦風送菜花
香誰家歌舞堪尋樂此地衣冠欲擅場蒲壁定多詩紀勝主人無惜費
壺觴

送傅揮使還遼陽

新命金緋自日邊匆：鞍馬又東旋朱顏似有封侯骨綠髮方當報
主年沙磧夜屯占候火塞垣秋獵護營田功成異日先諸將莫習家傳
豹畧篇

揮使之父都閩公邊城夙將也先少保襄毅公天順初待節東巡都
闔實從之今謝兵家居而揮使承其後異日必有振其家者言別之
際賦此勉之

送同年戴時中侍御謫判雅州

一尊清曉餞行軒又見名流出憲垣南北暫為今度別卷舒還誦昔人
言怒江舟楫經三峽絕塞弓兵控六番莫謂相忘天萬里九霄恩露不
勝繁

次韻沈廷美尚寶考績還南京

金殿西頭舊奉宸重來何處問歸津尚方玉醕頻沾醉南國烏紗不
耐塵千里盈虧江上月十年離合社中人初秋傾倒旗亭宴莫問詩神
與酒神

客邸相逢語未窮分携俄復笑萍蓬肯因宦况侵頭白且遣離觴拂面
紅古寺藤陰堪繫馬水村蘆葉待歸鴻兩京不遠那傷別幾日鍾山入

望中

歸省圖為宋珍監生賦

幾宵客夢繞慈闈仕路將亨喜暫歸倚杖涕隨青露落稱觴心共白
雲飛何蕃譽重諸生館萊子光添五色衣忠孝一原君努力他時分寵
報春暉

劉振之自求壽詩

歲佳辰一宴開坐中相壽總詩才因詩記子懸孤日也約明年載酒
來

壽吳門葵竹居九十進士縣尹昂之父

銀燭東風作上元正看稱壽客盈門朱顏鶴髮真人瑞繡服烏紗稱
主恩令尹才名分甲第此君風節共丘園佳齡滿百渾閑事膝下重摩
幾世孫

孫公子養正求題松贈徵上人南遊

誰分岩下種孤秀出叢林力飽冰霜健根培雨露深坐憐方外友待結
歲寒心已共論三宿臨風更一吟

戚里孫養正公子與隆福徵起宗上人交甚稔起宗南遊養正求題
此以贈顧予已有詩贈之矣然所以愛起宗者無已也遂申賦之

和焦孟陽侍講 經筵宴退韻

講餘開宴日曛 仰荷

君王禮意隆法醞似剪金水綠宮衣遙射玉闌紅班資間闕觀元老門
謝追趨屬上公致 主有心才不逮十年陳說負 天聰

因講春秋召陵有感再用前韻

斜日難回曙影曛王心消歇霸心隆屈人包匭菁茅問照眼牲盤軟血
紅萬世綱常尊孔子一時民物賴桓公東都不是無元宰誰為天王達
四聰

張一之除臨城知縣

百里封疆古縣男喜君才力正相堪紅塵落日淹離醞黃葉西風促去
驂社稷禮成官亦重弦歌聲起化應單他時不負承 恩處徽國遺書
得指南

聞趙孟麟主事移居入城

聞說愛山子移居近入城紅塵遙隔路粉堞正當楹客刺投應便朝更
聽最明來朝先定約携酒慰新盟

題揚州楊成玉太守梅花

紅紫繽紛落暮寒貞姿偏耐雪漫 廣陵太守能題品不作瓊花一例
看

題四鴿圖

東風開遍薔薇華禁網稀疎罷繒繳珍禽顏色亦可人紫袖雙垂比
宮鶴隨時飲啄哺兩雛天然母子行相呼撫景令人發三歎耳畔如聞
城上烏鴿紫

海榴花紅搖日光初平日畔薰風涼河西此種不易得玉羽六月飛吳
霜憑誰貌入丹青裡金籠雪衣呼欲起清時恐有放生人獻壽能令相
君喜啜酌

鐵衣玉項雙紅趺入眼精神如燕鳥太湖峯下立相倚徘徊顧影憐芳
膚幾色黃花傍幽沼一陣西風動寒篠傳書能副曲江公何羨當時上
林鳥鮎髀

山茶紅香竹青節掩映馴禽羽毛繁馴禽羽毛生絕奇墨華點破雙團
雪朔氣吹風肌栗寒雌和雄鳴隨所安群飛寄語莫驚鴈鷹隼寧過花
石闌點拍

鄉舉同年會集武學得請字

昔在京闈士名錄亦煥炳倭指十六年散居星耿離合苦不常相顧
惜萍梗薄言酒一卮溫此舊盟冷武庫國東隅良會惜幽屏矧當履長
節君子受初景居然離迷來會靡費招請乃知同袍人不啻共廬井笑

談既款淡丰度益修整驟然觥籌交紛彼絲竹騁浮生大塊中取樂幾
俄頃天寒白日速華燭坐堪乘明尊姐問我願事箴警學哉加進修
仕者效忠鯁務令吾榜人一盡若頴松節堅平生蔗味期晚景大馬
齒最早竊祿秘書省有悠附驥心陽春愧歌對

先公同年之子二十七人作通家會漫成一律

屈指通家四十年舉盃相屬意茫然一家兄弟非生客兩世衣冠本夙
緣書短不妨燈繼晷情長那惜酒成川無前勝會提今日願保家聲作
美傳

壽仙圃壽順天馬汝才通判乃兄汝明

祈閭老者推黃髮亦兆能官數白眉瑞彩遠隨南極現高情那愧北山
移黃鍾律轉知陽復紫府圖成與壽宜看取鳳雛昭世澤不妨鳩杖樂
期頤

送趙文聲知博興縣

碧雲涼吹蒲林臯奉檄東行屬俊髦百里爲民常擇尹一官旌異得均
勞河橋秋別猶攀柳縣郭春來莫種桃齊魯弦歌原接境看君今日試
牛刀

錢孝子

至性由來不易論兩番割股報親恩驚心苦塊三年關入眼羨墻百世
存宅里可旌新孝子弓裘何愧舊王孫此身不盡推仁處更看城東漏
澤園

次韻送沈時揚參議提督福建銀課

上京才喜坐逢君行省那堪手更分粵地山塲今責責隱侯家世舊崇
文芝書戒曉須官露桂檝凌秋動水雲此日牙緋應暫別漢庭香篆待
重薰

送安成劉靜洙赴曲江教諭

嶺南佳處曲江頭喜載青氈作宦遊孔殿韶音猶仰舜漢人經學久宗

劉壯顏不逐流年改化雨能兼宿瘴收學半有功須重恃禮闈高選待
春秋

篁墩程先生文集卷七十七

詩

菊莊圖爲致仕章元益給事賦

秋氣入墟落涼颼振疎林繁華坐銷歇一逕穿籬深籬東有晚色繁
千黃金不隨時物愛肯受繁霜侵陶令去已遠寥々孰知音章君瑣
彥時名屈當今一朝謝塵鞅返駕鄞江溇舊社作新主永日消煩襟年
來嬰世患未獲窮幽尋念此松桂友敬使丹青臨遙々歲將晏采々勞
歸心黃花故無恙白酒且復斟一酌爲子壽再酌爲子吟天意久乃定
相期蕭繹簪花神永結好冷眼窺浮沉

送都憲左公廷珍巡撫遼東

關西聲價重提刑又總行臺出 帝庭千里封疆當北鎮九夷綏服盡
東溟皂囊坐遣烽烟自寶匣長鞘劍氣腥 宵旰分憂在今日不須崖
下勒新銘

定西侯蔣公筠清軒卷次周草庭都尉韻十絕

高軒近北城幽逕折三四中有千琅玕知人歲寒志
臨池寫來禽坐石呼格五森：蒼雪寒九夏失炎午
新開八尺庭迥異五侯宅眼中籀龍孫當：一當百
結客總豪俊詩壇如將壇呼童刻新粉記取最長竿
愛此萬玉林不下簞管谷時汲井中泉殷勤溉慈竹
裊：翻翠雲消：淨塵思借看來何人苔苔屨痕二
虛心能自保世態非所甘江梅與巖檜文情澹成三
名園盛草杜紅紫動盈千何似總戎府清風兼渭川
將軍誠好文盛世不忘戰時對抱節君孫吳閱終卷
欲待此君醉竊分鳳尾餘他年殺青手高節為君書

賀東華伯焦公得男

珠箔高懸獸錦紅侯門佳氣喜慈：帝聲試處知英物肯相生永有祖

風聞宴競投新玉宋傳家先拭舊彤弓分明世契非生客湯餅還叨入會中

送西隣毛貢士世傑知汝縣

東社西隣歲幾更恩銜初得令君名禁中曉日辭天仗客棹薰風記水程石表忠魂留孔篆山環遺堞撫殷城足多治迹如崔瑗看取邦人續政聲

送都水姚懋明主事改任南京儀制

曾向青源識俊髦恩除重下為均勞留都官愛新儀部驛路人迎舊水曹千里長女隨日近萬年鍾阜入雲高宦情鄉思誰兼得莫惜離亭盡濁醪

播州程氏世澤堂

聞說家聲自洛中幾年移築向蠶叢短檠不廢箕裘業一劔長收保障功心吐秀葵知曉日根蟠喬木自春風等閑慶澤應難盡長共滄：蜀

水泉

追思舊游寄浙江左時翊參政十絕次草庭都尉韻

湖船詩十聯半入煙霞氣我語慚不工居然別涇渭
 倚擢岳墳菴碑本見遺墨萬古擎天功高峯峙南北
 草滿六橋路依稀放鶴人道傍修竹裡時見一枝春
 開尊淨慈閣鵝鴨滿湖田對岸雷峯塔亭入莫天
 三生空有石三竺未成賦徘徊九里間吟情拂高樹
 天外一峯迥飛來勢未降冷泉亭上立逸趣洒寒江
 石屋龍潛處題名憶長公洞門喧水籥苔徑失西東
 一甌龍井寒未續茶經筆林外忽聞香僧房焙茶日
 山形繞廢宮一鳳雲中度下見浙江潮寒聲自朝莫
 憶登保叔塔舉酒別諸君兩聽春鴻過相思吹片雲

送馬天祿給事赴雲南會事

禁鐘曉初歇騎出城東門惜君有遠役相攜薦芳尊君本鎖關彥忠言
 動天閣起居今十載廷謝初蒙因西南萬餘里滇江浩沍輶車
 足時雨憲節明朝啟丈夫挾壯氣撫此歲月奔紅芳漫春色青松自霜
 根迢遙古南服慷慨扶風孫行臺知有道後會須重論

次司馬通伯侍御留別韻二首

風流儒雅重分司先德猶傳宋太師學制久非三舍法教條今過百年
 期水霜飽歷承家訓桃李深培答主知聞說行臺多暇日餘情還付
 墨淋漓

相違不覺又經年日月真同蟻磨旋養士定知湖學盛憂時曾說賈生
 賢一從憲節分江左幾遣書筒到日邊大雅寥今未作菑鍾應待協
 官縣

飲慶壽寺兼似聰講經

紅塵飛不透疎簾白日行空漸向炎柳絮挾風常滾麥苗經雨倍纖

織上方暨喜明簪盃西郭從教酒價添更愛遠公能入社他時有約問
楞嚴

送仰進卿給事會憲四川

天子念飢歲方勤西顧憂川陝本相接君子可淹留當時文石陞性
聞嘉猷况茲行臺尊恩言若為酬提印走列府洗冤及跣陬功名當
駿發壯氣橫高秋誰云蜀道難為子歌安流

挽致仕于千戶

文遠

春風吹面雪盈頭已過人間八十秋山成畫閒惟繫馬水村天遠獨盟
鷗周窮義重焚通券知足心長守樂血身後有人能接武袁門聲價到
皇州

又

每過深巷拜儀刑不覺籃輿幾日停醒眼愛留通夕飲壯心慵展衛生
經別來吟髮添新白望裏家山只舊青千里生芻嗟莫致一緘哀些涕

交零

題傅曰川諭德蜻蜒便面

五月京華吹早塵江鄉風物繫情頻滿陂綠水連堤草雨後蜻蜒不避

人

書帶青草似苔絳騶飛處小蓬萊良工可識詞林客為作朱衣入眼
來

挽西莊畊隱章處士同知廷圭之父

紅雲含日照西莊楚些聲中白髮長杖屨忍看桑柘影衣巾猶帶薜蘿
香壽於呂尚非傲福死比黔婁合謚康經學已聞傳令子功名無愧古
循良

分得惠山泉送張公實參議還浙江

歸然九龍山下有鳴玉聲蒼蘚絡深罅澗流石泓逝人一回首倒影
下空明峯頭陸羽祠俯瞰若有情峯麓聽松菴織竹存遺鐫我昔停征

車馬闌濯塵纓一斛毛髮爽再飲肌骨清中濡乃伯仲此品寧虛名張
公佐制省矯：人中英峻操如隱之水藥相崢嶸泉石豈無癖所羈在
王程官舟忽南下尋源重茲行懷古應有作顛崖念蒼生龍團笑茶譜
石鼎憐詩盟

雨後過文會軒

雨後名園我獨來淺紅深綠繞池臺禽聲也樂消煩暑馬首初看淨宿
埃鄰客有期頻折簡主人乘興即啣盃偶然良會須終日一任殘陽下
古槐

送黃巖黃汝霖休寧訓導

浙東經學推黃氏玉樹臨風見一枝山色百年弦誦地自今應喜得良
師君今通政世顯從
子世以百學聞

宮牆遙隔練溪灣門對青：玉几山分擁臯比應最樂書聲時出翠微
間休寧學地幽勝
居至則知之

孔殿西頭企德堂兩賢曾此託維衣冠俎且瞻依處洛學千筆未可

忘二程子之先本出休寧
近始立專祠得列祀典

溫公家世不几才六一清風滿後來知子教條還易舉類宮星斗夜昭

回司馬提學歐陽令居
君往過當必有合矣

送宗人德望進士還德興

一宗元自相湖分雛鳳新呈五色文家慶暫應紆綠服橋名先已識青
雲永開水國舟難滯春入郊亭酒易醺小別重來堪屈指鵝班風節待
超群

送吳容之進士還欽

二月鶯花滿帝城手板黃柳送君行傳家舊熟麟經筆中選新題鴈
塔名畫舫搖春新旅况綠衣稱壽足親情還鄉不久應趨召重造鷓行
玉佩聲

送族孫鳳翔還浮梁兼柬其兄徐州同守楚英

相違無奈 帝城根樸面流塵似水雲酒興半生過阮籍鄉情終日仰
番君船隨賈客行裝起曲愛歌童別調聞路指彭城應問宿雨中新榻
誰誰分

送李知事還蜀

大夫勸業重 先朝合有鷄雛振九霄幾載宦情官室近一番離思蜀
山遙歸帆正藉東風馭戀 關長懸北斗杓簪紱重來知有日不須板
柳向河橋

叙

通政知事合陽李君天錫今致政都憲先生之子先生有迎蹕大功
於 先朝未食其報而天錫以文才見擢供奉 南薰殿還鄉待用
人尚未滿也惟先少保尚書襄毅公於先生為同年予不佞近接天
錫始獲通家之好因賦此以致區區之意云

蒲窗清隱為蔡德馨賦

石髮森森照水寒綠雲搖動紫球盤歸來不道清如許疑在君家畫裏

看

葉：都含淡墨飛窻前生意藹然存摩挲九節如堪斲誤遣山童為洗
根

古人以物之美者為入畫之佳者為奪真若蔡君養草之癖陶杜
二子寫生之功亦可謂兩絕矣

送岳時雍上舍歸河間

與君傾蓋會京華兩見春風陌上花折簡故人聊隔巷攻書兒子亦通
家忽傳行李騰歸騎滿聲離觴泛落霞雲路功名消息近重來雙佩看
趨衙

金陵十景分題其二為倪彥達賦

鍾阜晴雲

秣陵東來神秀鍾一山崛起蟠蒼龍層雲半露白日迴海濤湧出金芙蓉
晴光遠帶建業水王氣上繞軒轅封江南佳麗此第一乾坤萬古留

茲峯小年攬勝今閱畫眼中紫翠猶重三舊京投散當有日看雲作賦
消塵容

石城霽雪

石頭城上黃雲消石頭城下紛瓊瑤登陴四顧窮遠矚長江萬里飛銀
潮鴉翻落木隱樓堞虎踞寒山嗟六朝袁生九京那可作莫愁樓幾誰
招邀古來重德不重險方今一統歸唐堯豐年幾見飽麩麥太平有象
歌漁樵

賞王司言儀賓府千葉緋桃

賞心常在鳳池東一種繁華也白紅細葉巧隨金剪落靚妝勻試玉奩
空移根曾見新培土凝睇渾如舊倚風重任畫闌驚歲月不辭觴詠遶
芳護

次周都尉韻寄平江伯

累朝勛業在鐵券鏤黃金雪點青髮時髮丹翰戀 關心早風吹泗水古

月照淮岑何日明堂棟工師問百尋

送潘玉汝進士

岐路花飛酒滿斟送君遙記練江濤賞蓮已協登科識折柳難勝贈別
心畫錦極知官况好宵衣還體

聖情深重來不待賓鴻促擬向鴈行續佩音

壬寅秋予家居練水之上玉汝與諸友嘗相從講習時益蓮出並蒂
一枝予有擬開佳兆待諸公之句又明年玉汝舉進士殆詩識也今
玉汝當公務於南畿有過家之便因賦詩以贈且道舊事以見出處
之不偶云

周德章駙馬府賞海棠

冥冥花霧擁迴廊丹猩紅隔畫牆按譜更誰爭有韻失評空自說無
香莫燒銀燭驚春夢好障丹紗護曉妝仙種北來初識面臨風拚醉九
霞觴

國子祭酒古廉先生李忠文公哀輓

文皇中興初吉士誰第一侃忠文公抱此金玉質官銜應列宿講讀
近清蹕平生媿姘媯不復計行尼西曹曾幾時入秉太史筆

仁考適更化四海期紹述仰茲堯舜主或恐有遺失伏闕陳忠言
激烈動霜日不懼犯旒宸誠願甘斧鑕我冠者何人却走仍汗粟

繼聖數矜咨恩露亦洋溢經緯資輔導詞苑樂閒逸荏苒雙鬢斑
老大更歲律嚴大司成龍命一朝出諸生得者俊奮志起經術云

誰干政機所欲在私暱古廉匪今士危謔勢相嫉青衿爭代死白日可
屈膝過眼風濤平砥柱高舉律乞身一再踞興與歸鳥疾故廬西江濟

安生理參朮天胡產若人不遺位丞弼一宵星墮瓦徒興哲人恤恭惟
忠節祠冠佩九六七公來居其間屈指難甲乙歲時薦蘋藻生氣儼在

室遙東陽峯水上深更密仁者多後賢茲事可前必宿草春菲宰宰
木秋瑟中有郵典碑千載騰茂實

樊駙馬大振受 詔典禁旅宿衛

喜承 恩領殿前軍玉立長身迥出群紀勝有時傳白雪奉宸終日侍
紅雲金符舊勒蛟螭篆寶劔新裝錦繡文講幄故人先定約宮壺春露
待同醺

和副詹楊先生府中齋宿憶第六言八句詩韻二首

官舍平臨 御水 龍樓遠見飛簷坐想先生泚筆靜吟童子鈞簾

顏氏心齋已久杜陵詩律方嚴陽春欲和未得斜日猶懸塔尖
青坊齋宿幾度十年斗杓轉東池草夢回惻惻泥緘詩寄重重

玄經喜得時聽姜被何須夜同真似蕪葭玉樹不慙瓦缶黃鍾
次韻題孔融伯隱君畫菜

忽青蒲眼開卷足相慰墨首紛雨甲筆縷紫星緯因之念老圃聖訓
有攸畏蔬食而飲水正欲葆真氣緬懷古壇杏棗綠陰蒂當時曲肱
眠至樂本無既西陳蔡危誰復辨良貴賴此筆瓢人不擇秦穆味美

一八 皇朝文獻卷七十七 一八
哉厭道腴聊爾滌塵胃豈無食肉者漸滅幾名諱亦有事魔語千載唾
餘誹吾誰堪適從壁立樹嚴毅恒思召園子連茹拔其彙豆間齋祭心
會靡間珍費而况申：谷對越凜如愾虞庠獻春丁祀典詎無謂奉俎
欲升堂前期悵猶未

楊叔瓚地官輓歌六章

卓筆峯高半入雲秀鍾人物迥超群山川一日收靈氣留得楊雄死後

右文崖

寂：茅堂書掩關凜西風物稱投閒當時岸幘黃花裏應讀移文笑北

右西野草堂

山 門前喬木翠生烟一姓同居幾百年聞說省郎無恙日紫荆花下酒如

右同居里

泉 白石青松路不迷隱君墳上路萋：當時苦塊處身處猶說慈烏遶樹

右廬墓處

一泓挑出淺沙間照影如分鏡裏顏知是吟菟長不散月明來此弄潺

右惺：泉

樂丘遙枕暮雲寒一日全歸事最難贏得墓前新石在銘文留與後人

右樂丘

送柳副憲提督松潘兵備便道過家省母

憲節西行重外臺秋曹人說舊多才暫同一將論兵坐想見諸番接詔

來幕府近山飛暑電樓船入峽殷晴雷壯遊正出口陵道贏得高堂舉

壽盃

贈王真人次倪舜咨學士韻

鳧舄仙人豈愛官

帝教持節領黃冠眼着紅紫隨春麗手裏瑯玕作夏寒寶匣劍光晨耀

雪玉爐符火夜飛丹蓬萊往：傳書劄幾日清霄九鶴還

寄壽閔口畢處士

子文中
邑庠生

曾向沙村識隱君，高堂吟榻許平分。尊夜向溪頭雨，隨步春看石上雲。南極又開新壽筭，北山誰勒舊移文。名門早晚騰孤鳳，五色文章定出群。

送陳訓術還順德

秋風吹水碧潺湲，短檝輕帆去意閒。萬里客行仍過嶺，一官廷引幸隨班。心常遠，關遙瞻斗仕不離鄉。飽看山，莫羨再更柳酒熟，縣人傾倒候君還。

和嚴大用尚寶歸省詩韻

老木清溪舊業存，天涯相望幾寒溫。南歸暫奉三牲養，北拱難忘一飲恩。馬首朔風登驛路，鵲聲傳喜到家門。行邊已報春光動，入眼桃花遠近村。

椿翁同行幾人存，蓮社詩盟可重溫。倬直久勞千里夢，歸寧新沐九重恩。遊塵不染金陵道，佳氣長浮白下門。知有鳳池高詠在，不須重

數莫愁村

周草庭都尉李西涯學士兩歲復命，同日有詩次韻。

曉殿金門啓春城，玉漏終才華驚。二妙喜色上重瞳，分署齋心久連年。入對同欲從歌盛事，迂拙愧唐風。

齋所謝定西侯惠芭茶

元戎齋被近青坊，分得新茶帶酪香。雪乳味調金鼎厚，松濤聲瀉玉壺長。甘於馬湏疑通譜，清讓龍團別製方。吟吻渴消春晝永，愧無裁答付奚囊。

送顧謙還臨淮

翩翩顧公子，天性酷嗜書。不作純綺態，被服若老儒。平時數過我，芸香襲襟裾。一朝戒行李，迢遞隨征車。云赴秋試期，暫返臨淮居。由來君子心，自與列士殊。從師讀周易，日月成居諸。紛百家語，涉獵乃其餘。有才不自露，所得寧錙銖。想見南畿秀，歸然得明珠。誰能漱藝芳，而復味

道腰風志倘無爽一薦誠區。春風載酒出相送官道隅長歌丹桂篇
送子青雲衢

冶城篇一首送袁鍊師道欽還住南京朝天宮

吳王鑄劍處榛莽無餘城福地豈終闕重開似蓬瀛琳宮起璇榜掩映
千花明肅。演朝儀冠裳集群英欣。祝 聖釐香帟下紫清神仙足
官府主者宜幽貞邇來領祠祿有美蘭厓生昂藏好丰采瀟洒不世情
薰風送歸帆壯子一日行頗聞廢亭側卜廟猶崢嶸淒涼六朝事激烈
千古名巍。石城外流。青溪聲舊京多散局何當濯塵纓相携此弔
古擊節歌時平

送汪侍御文燾出判夔州

待御汪君文燾出判夔州以陞授出命此

仁聖之恩也予於文燾生同鄉學同志道同年故不以言而以賀古
之士所當爲止於此文燾勉之

西望夔州萬里程一尊相送壯君行封章舊獻卅心吐憂國新添白髮
明去觸薊門炎暑熾到經巫峽怒濤平除書特下恩如海不遺賢臣挂
謫名

贈雲中張守

左竹恩榮久見分中州人物重相聞弦歌夜課蠻宮士餉饋秋供紫塞
軍公暇擬紆防寇策興來時草勸農文他年屈指雲中守卓異功名定
數君

送光州熊騰霄侍御赴山西副使

近來除命似君稀新帶橫金豸作衣久矣十年書歲課壯哉千里怯霜
威中州善類知難得西土流亡喜漸歸相送出城應駐馬祖筵春日正
花飛

題四景畫

一夜春溪新雨足曉耕已遍前川曲烏犍少脫半犁閒鳥外草三草根

綠坐愛一株沙柳陰展卷疑聞梁父吟布衣未接隆中聘誰識當年開濟心

右諸葛春耕

夏木陰波渺風外群飛見沙鳥臨淵不為釣絲輕
少石上苔花青更繁堯樽獨酌消塵煩可能著就玄真子亦有丹書三兩言

右玄真夏釣

西風蕭振黃葉何處平原初罷獵會稽山下眉新人倚樹掀髯亦豪俠一朝印綬懸其身白日照耀新朱輪誰知擔上芸香用只博人驚車馬塵

右買臣秋獵

天山雪花大如席瀚海東頭絕人跡群羊散落沙磧間
夕塞垣孤月十九冬手持旄節歸漢封不知麟閣丹青手曾寫當時憔悴容

右蘇武冬牧

題薛九蟾仙

雲冠琢玉紫霞衫仙籍依稀見署銜松下月明時顧影寸心知不到塵

九

和鏡川學士東閣靜坐之什

閣門交處迥分途十二朱廊白石趺坐惜病身雙足斂稿繙經學寸心孤雅音不數巴人倡拙手空慙晉帖模儻直有期陪咲語柳梢春色半昭蘇

華處士哀輓

錫山華名宗系出齊孝子為今八百年代事蕃祉雲仍森玉立有美時葺翁三郎如鼎足挺多父風就中承事君人物更娟好起家方有聞捐館一何蚤平生幹蠱意未夕吾伊聲重人感利濟塾師驚老成揭來丁歲荒大發困中米詔與冠服榮身抗令丞禮君心非樂此所樂在書巢史評著北宋遺稿存東郊臨風嗟若人曾不躋下壽所期到松筠何意等蒲柳雖遺白頭父膺有青年孫勉哉光世譜生待高君門龜龜死祥山前下新兆中刻太史銘何如蔡邕表

篁墩程先生文集卷之七十七

篁墩程先生文集卷之七十八

詩

趨 闕承 恩圖為錦衣魯百戶題

新從飛將破臯蘭喜拜金吾近侍官
白馬朔風過御苑錦衣流彩動長
安三秋絕塞烟塵淨一日中天雨露寬
撫景為君期遠大舊圖麟閣炳
如丹

起亭圖為顧謙作

芸香吹滿讀書亭不為時名困一經
亭下種松今幾載長梢將見拂雲
青

郊壇陪祀夜宿神樂觀聞都尉草庭受
命留守承天門賦此
奉寄

聖主南郊奉大禋宮門留鑰付親臣
龍池漏點沿城報虎衛軍容夾路
陳今肅自應閑將畧才高誰足重
儒紳齋居一宿停雲音坐對東風月

向晨

題吳原博諭德醫俗亭

我家草墩上絕類管籥谷長憐此君學不解矻予俗吳君結亭于瀟洒
延衆綠清吟答天籟塵鞅謝煩逐分明食肉相兼此林下福齋居開墨
本已覺幽韻足君才何可當風采如植玉擬試國醫手坐遣元氣復江
南灑煙雨因之動疑矚汗青我終慙筍譜或能續

並蒂蓮和青谿學士韵四首

當時仙種出吳宮羅綺香生水殿風何似一尊文會樂坐令千古俗緣
空不須執扇遮紅頰擬剪緋羅掛碧筒勝賞此回應第一幾家殘綠漫
叢

疑是雙娥下渚宮凌波微動一簾風霞翻疊縠湘裙重月射連珠漢佩
空樂隊臨池催羯鼓酒籌當席轉牙筒奇觀欲藉丹青手貌取東軒錦
繡叢

秋浦新聲欲換宮採菱歌徹藕花風小池漫擬江南樂絕品能令冀北
空娛賞酒憑螺當爵催妝詩遣鶴輸筒主人蓮社真開約車馬屯門定
幾叢

彷彿移根自蕊宮正宜吟賞對西風却憐多病身難出未覺諸君酒易
空詩愧才情翻蜀綺瘦餘肌骨等湘筒明年倘帶看花福自挈壺觴坐
繞叢

壽山陽沈廷獻處士八十

豆醅香裏洞仙謳春滿酖容雪滿頭淮上幾人同擊壤海東今日又添
籌家鄰節孝瞻徐子世業文章重隱侯漫道慶源開八袞大椿曾擬八
千秋

小飲于高諭德家與日川聯句

退直思乘半日閑程偶因高會誤躋攀傳蘇家斗酒直需客謝謝氏諸
郎更解顏程一醉隔宵非有約傳十年鴻玉幸聯班謝相逢莫便騰歸

騎程此意更深且未慳傳

西城邂逅一尊同傳主客相忘有古風程春滿戶庭宮柳近謝風清苑

路市塵空傳醉呼席上燒紅燭程坐待牆頭過碧筒謝為語詩笺莫相

笑傳漏聲初殺禁垣東程

候客兒童預掃門謝登堂忽已具盤飧傳一時談笑風生塵程竟日淹

留月到軒謝行止百年真有數傳醉醒吾輩可無論程海天回首輕陰

散謝猶有高情在掖垣傳

壽襄城侯李公

綺席紛二集玳簪中秋華旦喜重臨朱顏早帶封侯骨素履長懸體國

心間外舊勞書太史郢中新曲奏佳音相期不用金丹訣仙李根培雨

露深

以雲裏奇城雙鳳閣雨中春樹萬人家為韻集古十四絕為戶

部白玠郎中題画

落花飛絮正紛二鄭谷半入江風半入雲杜最是二一年春好處韓退

碧山如畫又逢君楊源

清溪一道穿桃李王維汀畔數鷗閑不起蘇廣日暮汀洲一望時寇平

城外青山如屋裏王維

臨穎美人在白帝杜于日暮千峯轉暹遞李邕淡妝濃抹總相宜蘇于

彩毫應染爐烟細楊源

偶逢樵者問山名李端天外三峯削不成崔顥日暮長堤更回首許渾

淡煙疎雨過高城杜于

瓦溝銀竹曙翻江馬祖浩唱庭花倒玉缸劉貢山圍四座畫圖出黃山

時有白鶴飛來雙歐陽

日色纔臨仙掌動王維王城曉日窺丹鳳杜于笑問客從何處來賀知

詞人解撰河清頌杜于

一年最好是三月韓渥扁舟繫岸依林樾蘇養百花原頭望京師王少

青龍天矯盤雙闕幸莊

終日憾思羈旅杜子曉來時有流鶯語張泌馬上誰家白面郎杜子

沾衣欲濕杏花雨僧日

馬足車塵到處通薛逢等閑桃李即爭紅陸龜花時未免人來往許渾

多少樓臺烟雨中杜牧

綠楊紅杏滿城春楊巨水面魚遊不避人王建何處貌將歸畫府譚用

濕雲如夢水如塵崔魯

遙看一處攢雲樹王維蜂蝶飛來過墻去王駕垂鞍不鞚馬行遲李從

莫是長安行樂處李願

春花不愁不爛熳杜子早晚煙村碧江畔譚用山水之圖張賣時杜子

家無甌石輸百萬同上

家住紅蕖曲水濱李義天晴宮柳暗長春杜牧溪邊物色宜圖畫張泌

須就桃源問主人宋

酒慢高樓一百家王建春城無處不飛花韓柳孤舟明日毘陵道皇甫

且盡芳尊戀物華杜子

次韵賀李若虛憲副得男

每見杭人問再三行臺秋日可生男械題麟級俄傳喜慶乏犀錢却負

慙從昔有聞仙李在繼今相屬海榴堪知君苦瘦常慳飲不道春來不

盡酣

南京戶部尚書三山黃公哀輓

幸承恩渥許還山便遣悲聲徹帝關六袞光陰銷鶴筭四朝勛業

重鴈班歸裝只有圖書刻遺像空留劍佩顏名與慶源應不竭七閩流

水共潺

送王公濟進士知丹徒縣

今年閏月秋聲早雨後涼風葉堪掃知君夙戒有行期疋馬曉出東門

道憶當與君識面時總角相看最相好侍親同向錦官城壯志不異連

雲保官舍比隣雞犬通那似尋常覓梨東陽春白雪漫磨酬黃卷青燈
共探討天涯回首各西東輓紅塵走蓬葆蹇予待詔金馬門玄髮
蕭然半將編別君已經三十年忍不相逢一傾倒喜君擢第千人中玉
笋聯班幾才藻新陞忽縮丹徒章白日恩光照晴昊人生離合苦難常
屑何須掛懷抱佳勝東南古潤州未說丹崖與瑤島虹月猶窺二木
家江山不共坡仙老行哉肯負平生心坐見居民樂魚稻政成應遣簿
書閒詩畫寧論武昌稿我病安能餞一盃離愁欲絆離亭草重來有約
峩薦冠不待平時考巧考

送槐塘族孫濬之上舍南歸

今年喜子升辟雁一身遠逐南歸鴻堂上雙親壽且樂正當月滿三秋
中明年月色亦如此秋試文章勉吾子槐塘相國世有人一經相傳取
青紫丹桂花開金粟香玉兔藥搗長生方高歌明日送子去多辦沙溪
秋露觴

故侍御安城鍾公哀輓

烏府初持憲彤庭首抗章重淵思取日三伏遽飛霜結舌人何擠捐軀
獨可傷焉誰司國是空自沮臺綱北極樞旋正前星色再揚褒忠光
隧室誅佞榜朝堂未覺英魂散偏憐慶澤長宸衷矜寡婦恩典及諸
郎愧我生雖後書公傳最詳正觀毛髮豈昌誦齒牙香漫爾編芸帙無
由奠桂漿青松碑石古白草墓臺荒肖像千金在懷人一鑑亡感時歌
楚些清淚欲浪

病中齋居兼謝西澗學士見過

倚榻蕭然不出門坐聽宮漏幾黃昏暑留巾機齋心慣病却茶瓜藥禁
存竹簡有情時共閱楸枰無偶但空捫故人秉燭能相訪踏破閑階碧
蘚痕

次韻原博諭德

抱病經旬未入朝齋居秋思轉寥三坐憐白日繩難繫起望青山手

可招夢繞川原疑脫騎瘦便風霞愛聞蛸詩壇故事誰先續倚席長懸
郢上謠

楊中書應寧行卷

應寧祖居滇南其父徙居巴陵應寧又卜築京口

十年供奉住京華幾處丘園入望賒夢遶啼鶻過六詔心隨征鴈落三
巴卜居早續并州句歸路爭迎漢使槎珍重板輿行處樂太平何地不
宜家

題冀郎中墨牡丹

人
嫣然只是洛陽春水墨丹青總幻身花若有情應解笑品題空自出詩

瓊林待宴次定西侯韵二首

臚唱三終扇影分口承

天語下紅雲綵旗絢日春城見玉漏含風午閣聞一代表冠沾錦宴九
天星斗煥奎文東風拂面恩如海不待宮壺已就醺

南宮春宴一番新首席還當柱國人蓮社賦詩曾倚馬柳營傳檄舊分

麟三公錫

寵聯黃客多士隨班謝

紫宸共說得賢今最盛詞章千

古陋隋陳

王司言儀賓園亭夜酌與李世賢學士李符卿士欽聯句二首

一天涼雨及時來傑花有紅香葉有臺亭上正堪尋舊約在簷前無復
見飛埃當空霽月光逾燭傑貼水新荷淺勝盃從此不勞遊別圃璋主
人家世長三槐傑

主家亭館隔紅塵傑秉燭傳觴更可人程花影參差搖綺席璋漏聲逐

遞下嚴宸程庭涵秋意虫初響傑塵挹寒光免欲馴程後會有期寧

待約璋乘閒來處即佳辰程

溪西竹屋卷為陳千戶賦

看竹何時徑出城溪西亭上濯塵纓青山入座真成畫白鳥迎人似結
盟風外懶便紗帽側雨前涼愛葛衣輕頗聞地主能延客飲力何如阮

步兵

奉寄宮保大司徒余公時總督北征

殺賊頻年向北陲又看殊錫下
彤輝詔書疾置飛黃馬喜色遙占太
白旗朔漠殘胡終欵塞尚方新爵待班師有臣文武
天王聖聽奏周宣六月詩

木假山與李符卿士欽聯句二首

小朵飛來遠逼真李水漂沙嚙幾經春烟鬟拂樹陰長合程土骨粘苔
綠未勻醉客彎弓疑伏虎李畫工揮策恐生麟江南何限雲根在程羸
得詩人入夢頻李

鬼斧何年砥柱存程斬然頭角手驚捫雨未迴帶烟嵐色李日落常涵
紫翠痕眼底一拳分太華程掌中三股劈崑崙飲餘不作平原癖李尺
尺仙槎認海門程

陳高士林亭和韵二首

每恨家居九陌東朝衫無地引清風關心漏待三更月障眼塵飛一丈
紅勝境忽疑仙島近好懷先遣俗緣空彈碁淪茗兼題句不覺西亭日
過中

偶過琳館繫情頻似結烟霞未了因塵世苦難逢笑口仙家誰可著冷
身綠陰匝地全消暑紅藥翻階已後春載酒重來先訂約歌童還解識
詞人

松月圖為陳高士題

綠釵搖影見分毫露下空庭月正高禮罷夜壇頻側耳一天涼籟洒秋
濤

遊王司言國賓郊園

風逗黃雲漲麥川井分新綠繞瓜田童穿墻缺携壺到客趨堂虛借榻
眠樂憇午陰憐困馬預傳秋律愛鳴蟬城樓咫尺忘歸晚多少詩情落
照邊

予馬與司言之馬既脫羈的遂相情好於綠陰青草間有感而作

綠柳郊園百畝長兩駒初脫紫韁翻身顧影交相惜駢耳嘶風喜欲狂
渾似弟兄聯伯仲不須牝牡辨驪黃何人駕驥能相挈爲寫薰風首
菊塲

避暑李符臺宅

擬逃炎暑向誰家鬱鬱槐陰舊相衙厭客任人譏襍穢借眠容我鬢髮
鬚江南水竹空勞夢天上星河欲泛槎可是春盃冰盃客也期來此共
茶瓜

司言儀賓邀賞蓮不赴

正坐郊遊困宿醒更中花約了餘情病軀不帶看花分聊助澆花酒一
罍

雨餘涼思繞芳叢行令還應折翠筒勝賞未容多客預一枝原號狀元

紅聞張啓昭諭德
在坐故及之

送沈良臣知歸德

雙旌搖拂蒨門秋已覺先聲聒滿宋州甲榜自稱前進士專城人羨古諸
侯金鳧香馥離筵酒彩鷁先生客路舟入境爲君先送喜如雲嘉穀偏
西疇

立秋前二日遊溪西竹屋馬上次同遊者韻

溪上林亭待客遊茶瓜今日定滄留馬驚小雨還成霖蟬咽薰風已報
秋沙路散行迷遠近水禽貪浴自沉浮望中早覺西山好十里嵐光翠
欲流

久約溪西看竹來雨中騎馬到池臺鷗邊水濯塵光去鳥外天隨眼界
回遊暑靜便沙岸柳借眠慵掃石林苔病身款客仍供酒轉覺陳遵是
俊才

送太學生殷質南還

殷家少子真白眉，業精小戴無荒嬉。尋師過剎不憚遠，角藝南京常數
奇。成均正值收材日，羨子束書偕計入。司成教法嚴如霜，六館鴈行分
甲乙。暑雨吹風塵不飛，諸生有恩容暫歸。離亭一尊柳陰重，神河雙漿
浪痕肥。君家兄弟子出色，好取明經發先德。捷報他時會有期，坊表魏
巍碧山側。

飲靈藏寺

七姊妹花開已空，繞闌猶幸有葵紅。坐中便起烟霞癖，門外那知市井
通。深院影回三殿日，小亭涼入四窓風。一尊蓮社新開約，莫厭頻來問
遠公。

又次壁上舊韵

不知支遁在東林，咫尺園亭負賞心。上界雨餘花似錦，南來舟澁酒如
金。人從廬阜開新社，詩與唐風續正音。自愧濯纓無處所，靈源何日許
相尋。

飲司言儀賓園亭限韻

雅意寧須錦步圍，亂荷如草綠非三。花前喜聽江南弄，醉後須拚月下
歸。縱黑繞叢嫌竹粉，露眠當選惜苔衣。誰行酒令嚴如許，交錯觥籌總
不違。

和石城學士韻送餘姚賈尹宗錫南還

城東開宴送離人，笑語風生滿座春。賈父政聲今卓異，石軍詞翰幾清
真。倡酬句與花爭發，去住情隨酒共親。召命有期登憲府，姓名先已
達嚴宸。

盛子昭小景

風起長松鶴未還，兩翁身似水雲閑。襟古意無因瀉，童子携琴正過
山。

司言儀賓府賞蓮二首

欲洗新妝濁有餘，偶然涼雨落階除。圓盤走玉青無賴，疊瓣凝香畫不

如詞客擬將甯注酒主人何羨轄投車炎光一掃都成趣細拂苔墻盡
意書

亭三玉立晚風餘萬種塵緣已盡除錦向天孫分大巧色從魔女悟真
如病身爲爾新開飲賞約憑誰更下車競與花神留好句手扳荷葉任
情書

題洗石田懸崖松

根蝕蒼崖露半腰聲隨風雨落寒潮小堂六月題詩處不覺人間暑氣
消

題陳邦濟小景

鳥外連峯認蜀鄉鷗邊新水似清湘山行尚繫圖書譜野坐潭勝吏隱
堂隨地塵埃輒馬癖及時紅紫笑蜂狂燕酷不說郛筒飲何日相期爲
洗觴

分得聽鶴書錢侍御承德乃尊

林下開軒養性靈月中清唳可人聽笙歌輾轉尋常事藥餌相將八十
齡新爵近承

天子詔舊圖時拂老人星賢郎寄書無餘物一卷親書相鶴經

司言儀府賞菊

眼底衆芳搖落時主家猶見菊花枝偶同遠客燈前笑却後諸公卷裏
詩樂趣定期邀月飲交情誰比傲霜姿晚香明歲還如故百遍相招我
未辭



聖明文集卷之八

程